

水經注匯校

地710.1
886
:7



水經注匯校卷二十五

江西新城楊希閔

後魏鄆道元



泗水出魯卞縣北山

泗水 沂水 洙水

地理志曰出濟陰乘氏縣又云出卞縣北經言北山皆為非矣山海經曰泗水出魯東北余昔因公事沿歷徐沅路逕洙泗因合尋其源流水出卞縣故城東南桃墟西北春秋昭公七年謝息納季孫之言以孟氏成邑與晉而遷于桃杜預曰魯國卞縣東南有桃墟世謂之曰陶墟舜所陶處也井曰舜井皆為非也墟有漏澤方十五里淥水澂渟三丈如減澤西際阜俗謂之媯亭山蓋有陶墟舜井之言

水經注匯校卷二十五

一

因復有媯亭之名矣阜側有三石穴廣圓三四尺穴有通否水有盈漏漏則數夕之中傾陂竭澤矣左右民居識其將漏預以木為曲洑約障穴口魚鼈暴鱗不可勝載矣自此連岡通阜西北四十許里岡之西際便得泗水之源也博物志曰泗出陪尾蓋斯阜者矣石穴吐水五泉俱導泉穴各徑尺餘水源南側有一廟栝柏成林時人謂之原泉祠非所究也何云今人附會子在川上即此地蓋因有原泉之額耳泗水西逕其縣故城南春秋襄公二十九年季武子取卞曰聞守卞者將叛臣率徒以討之是也南有姑蔑城春秋隱公元年公及邾儀父盟于蔑者也水出二邑之間西逕郟城北春秋文公七年經書公伐邾三月甲戌取須句遂城郟杜預曰魯

邑也。下縣南有郛城，備邾難也。泗水自下而會于洙水也。西南過魯縣北。

泗水又西南流，逕魯縣，分爲二流水。側有一城，爲二水分會也。北爲洙，瀆春秋莊公九年經書冬浚洙，京相璠服虔杜預並言洙水在魯城北浚深之爲齊備也。南則泗水，夫子教于洙泗之間。今于城北二水之中，卽夫子領徒之所也。從征記曰：洙泗二水交于魯城東北十七里，闕里背洙面泗，南北百二十步，東西六十步，四門各有石闕。北門去洙水百步餘。後漢初，闕里荆棘自闕從講堂至九里，鮑永爲相，因脩饗祠，以誅魯賊彭豐等。郭緣生言：泗水在城南，非也。余按國語：宣公夏，濫于泗淵，里革斷罟棄之。韋昭

水經注匯校

卷二十五

二

云泗在魯城北。史記冢墓記

閱案官本脫墓字今依戴趙本加

王隱地道

記咸言葬孔子于魯城北泗水上。今泗水南有夫子冢。春秋孔演圖曰：鳥化爲書，孔子奉以告天，赤爵銜書上化爲黃玉，刻曰：孔提命，作應法，爲赤制。說題辭曰：孔子卒，以所受黃玉葬魯城北，卽子貢廬墓處也。譙周云：孔子死後，魯人就冢，次而居者百有餘家，命曰孔里。孔叢曰：夫子墓塋方一里，在魯城北六里，泗水上。諸孔氏封五十餘所，人名昭穆，不可復識。有銘碑三所，獸碣具存。皇覽曰：弟子各以四方奇木來植，故多諸異樹，不生棘木刺草。今則無復遺條矣。泗水自城北南逕魯城西南，合沂水。沂水出魯城東南尼丘山西北山，卽顏母所祈而生孔子也。山東十里有

顏母廟山南數里孔子父葬處禮所謂防墓崩者也平地發泉流逕魯縣故城南水北東門外卽爰居所止處也國語曰海鳥曰爰居止于魯城東門之外三日臧文仲祭之展禽譏焉故莊子曰海鳥止郊魯侯觴之奏以廣樂具以太牢三日而死此養非所養矣門郭之外亦戎夷死處呂氏春秋曰昔戎夷違齊如魯天大寒而後門與弟子宿于郭門外寒愈甚謂弟子曰子與我衣我活我與子衣子活我國士也爲天下惜子不肖人不足愛弟子曰不肖人惡能與國士并衣哉戎歎曰不濟夫解衣與弟子半夜而死沂水北對稷門昔圉人犖有力能投蓋于此門服虔曰能投千鈞之重過門之上也杜預謂走接屋之桷反覆門上

也春秋僖公二十年經書春新作南門左傳曰書不時也杜預曰本名稷門僖公更高大之今猶不與諸門同改名高門也其遺基猶在地八丈餘矣亦曰雩門春秋左傳莊公十年公子偃請擊宋師竊從雩門蒙皋比而出者也門南隔水有雩壇壇高三丈曾點所欲風舞處也高門一里餘道西有道兒君碑何云兒氏舉有道者也是魯相陳君立昔曾參居此梟不火郭縣卽曲阜之地少昊之墟有大庭氏之庫春秋豎牛之所攻也故劉公幹魯都賦曰戢武器于有炎之庫放戎馬于巨野之垆周成王封姬旦于曲阜曰魯秦始皇二十三年以爲薛郡漢高后元年爲魯國全云是文實班氏之誤高后以城陽爲魯國阜上有季氏宅宅有武

不以爲薛郡其時薛郡屬楚國

引漢志然

子臺今雖崩夷猶高數丈臺西百步有大井廣三丈深十
餘丈以石壘之石似磬制春秋定公十二年公山不狃帥
費人攻魯公入季氏之宮登武子之臺也臺之西北二里
有周公臺高五丈周五十步臺南四里許則孔廟卽夫子
之故宅也宅大一頃所居之堂後世以爲廟漢高祖十三
年過魯以太牢祀孔子自秦燒詩書經典淪缺漢武帝時
魯恭王壞孔子舊宅得尙書春秋論語孝經時人已不復
知有古文謂之科斗書漢世秘之希有見者于時聞堂上
有金石絲竹之音乃不壞廟屋三間夫子在西間東向顏
母在中間南面夫人隔東一間東向夫子牀前有石硯一
枚作甚朴云平生時物也魯人藏孔子所乘車于廟中是

顏路所請者也獻帝時廟遇火燒之永平中鍾離意爲魯
相到官出私錢萬三千文付戶曹孔訢治夫子車身入廟
拭几席劔履男子張伯除堂下草土中得玉璧七枚伯懷
其一以六枚白意意令主簿安置几前孔子寢堂牀首有
懸甕意召孔訢問何等甕也對曰夫子甕也背有丹書人
勿敢發也意曰夫子聖人所以遺甕欲以懸示後賢耳發
之中得素書文曰後世脩吾書董仲舒護吾車拭吾履發
吾笥會稽鍾離意璧有七張伯藏其一意卽召問伯果服
焉魏黃初元年文帝令郡國脩起孔子舊廟置百戶吏卒

原本作百夫吏卒官本作百石吏卒戴本作百石卒史趙
本作百戶吏卒今依趙本何義門云亭林云百夫吏卒
當作百石卒史按亭林但據桓帝永興元年魯相乙瑛置
孔子廟百石卒史不知黃初自置百石吏卒未可執此例

彼也百石卒史掌領禮器選年四十以上經書一藝雜試
通利能奉宏先聖之禮為宗所歸者乃是孔氏子孫為之
百戶吏卒則守衛之人耳趙氏一清曰曹植撰孔羨碑
作百戶吏卒三國志魏紀黃初二年以議郎孔羨為宗聖
侯邑百戶奉孔子祀令魯郡修起舊廟置百戶吏卒以守
衛之與碑並相證明隸釋及闕里志改作百戶卒史則非
也廟有夫子像列二弟子執卷立侍穆穆有詢仰之容漢
魏以來廟列七碑二碑無字趙云廟列七碑二碑無字則
一置守廟百石孔龢碑一韓敕造禮器碑一韓敕修廟後
碑一魯相史晨奏一史晨饗孔廟後碑俱云水經有故知
卽是七碑中 枯柏猶茂廟之西北二里有顏母廟廟像猶
嚴有脩楛五株孔廟東南五百步有雙石闕卽靈光之南
闕北百餘步卽靈光殿基東西二十四丈南北十二丈高
丈餘東西廊廡別舍中間方七百餘步闕之東北有浴池
方四十許步池中有釣臺方十步臺之基岸悉石也遺基

水經注匯校

卷二十五

五

尙整故王延壽賦曰周行數里仰不見日者也是漢景帝
程姬子魯恭王之所造也殿之東南卽泮宮也在高門直
北道西宮中有臺高八十尺臺南水東西百步南北六十
步臺西水南北四百步東西六十步臺池咸結石為之詩
所謂思樂泮水也沂水又西逕園丘北丘高四丈餘沂水
又西流昔韓雉射龍于斯水之上尸子曰韓雉見申羊于
魯有龍飲于沂韓雉曰吾聞之出見虎搏之見龍射之今
弗射是不得行吾聞也遂射之沂水又西右注泗水也
又西過瑕丘縣東屈從縣東南流瀟水從東來注之

瑕丘魯邑春秋之負瑕矣哀公七年季康子伐邾囚諸負
瑕是也應劭曰瑕丘在縣西南昔衛大夫公叔文子升于

瑕丘蘧伯玉從文子曰樂哉斯丘死則我欲葬焉伯玉曰
吾子樂之則瑗請前刺其欲害民良田也瑕丘之名蓋因
斯以表稱矣曾子弔諸負夏鄭立皇甫謐並言衛地魯衛
雖殊土則一也趙云衛瑕邱在今開州東南三十里秦置濮陽郡卽衛之帝邱成公自楚邱來遷者也公叔之云宜在彼地道元乃誤以魯瑕邱當之 鄒水出東海合鄉縣漢安帝永
初七年封馬光子朗爲侯國其水西南流入邾案入邾二字有舛誤
春秋哀公二年季孫斯伐邾取鄒東田及沂西田是也鄒
水又逕魯國鄒山東南而西南流春秋左傳所謂嶧山也
邾文公之所遷今城在鄒山之陽依巖阻以墉固故邾婁
之國曹姓也叔梁紇之邑也孔子生于此後乃縣之因鄒
山之名以氏縣也全云以鄒爲鄒則孔子乃邾婁國人耶善長可謂大謬矣 王莽之鄒

水經注匯校 卷二十五

亭矣京相璠曰地志理嶧山在鄒縣北繹邑之所依以爲
名也山東西二十里高秀獨出積石相臨殆無土壤石間
多孔穴洞達相通往往有如數間屋處其俗謂之嶧孔遭
亂輒將家入嶧外寇雖衆無所施害晉永嘉中太尉郗鑒
將鄉曲保此山胡賊攻守不能得今山南有大嶧名曰郗
公嶧山北有絕巖秦始皇觀禮于魯登于嶧山之上命丞
相李斯以大篆勒銘山嶺名曰畫門詩所謂保有鳧嶧者
也鄒水又西南逕蕃縣故城南又西逕薛縣故城北地理
志曰夏車正奚仲之國也竹書紀年梁惠成王三十一年
邳遷于薛改名徐州城南山上有奚仲冢晉太康地記曰
奚仲冢在城南二十五里山上百姓謂之神靈也齊封田

文于此號孟嘗君有惠喻今郭側猶有文冢。結石爲郭。作制嚴固。瑩麗可尋。行人往還。莫不逕觀。以爲異見矣。灑水又西逕仲虺城北。晉太康地記曰。奚仲遷于邳。仲虺居之。以爲湯左相。其後當周爵稱侯。後見侵削。霸者所繼。爲伯任。姓也。應劭曰。邳在薛。徐廣史記音義曰。楚元王子邳客。以呂后二年封上邳侯也。有下。故此爲上矣。晉書地道記曰。仲虺城在薛城西三十里。灑水又西至湖陸縣。入于泗。故京相璠曰。薛縣灑水首受蕃縣。西注出陽湖。陸是也。經言瑕丘東誤耳。

又南過平陽縣西

縣卽山陽郡之南平陽縣也。竹書紀年曰。梁惠成王二十

水經注匯校

卷二十五

七

九年齊田盼及宋人伐我東鄙。圖平陽者也。王莽改之曰。龜平矣。泗水又南逕故城西。世謂之漆鄉。應劭十三州記曰。漆鄉邾邑也。杜預曰。平陽東北有漆鄉。今見有故城西南方二里所未詳也。

又南過高平縣西。洸水從西北來流注之。

泗水南逕高平山。山東西十里。南北五里。高四里。與衆山相連。其山最高。頂上方平。故謂之高平山。縣亦取名焉。泗水又南逕高平縣故城西。漢宣帝地節三年封丞相魏相爲侯國。高帝七年封將軍陳錯爲橐侯。案錯原本及近刻並訛作錯。史記索隱音錯。引三倉云。九江人名。鐵曰。錯不得爲錯。明矣。今改正。又橐。史記漢書功臣表並訛作橐。索隱云。屬山陽。而臣攢于地理志云。音拓。則橐乃橐之訛耳。地理志山陽之屬縣也。案近刻訛作地理志曰縣。

故山陽王莽改曰高平何云高平既王莽所更則魏相所封乃臨淮郡之高平酈氏亦不能
之矣所謂洸水者洙水也蓋洸洙相入互受通稱矣

又南過方與縣東

漢哀帝建平四年縣女子田無嗇生子先未生二月兒啼腹中及生不舉葬之陌上三日人過聞啼聲母掘養之

荷水從西來注之

荷水即濟水之所苞注以成湖澤也而東與泗水合于湖陵縣西六十里穀庭城下俗謂之黃水口黃水西北通巨野澤蓋以黃水沿注于荷故因而名焉

又屈東南過湖陸縣南涓涓水從東北來流注之

水經注匯校 卷二十五

地理志故湖陵縣也荷水在南王莽改曰湖陸應劭曰一

名湖陵章帝封東平王蒼子為湖陸侯更名湖陸也案原本及

近刻並訛作為湖陵侯更名湖陵也考後漢書郡國志山

陽郡湖陵改湖陵章帝更名劉昭注云前漢志王莽改曰

湖陸章帝復其號又郡國志高平侯國故橐章帝更名劉

昭注云前漢志王莽改曰高平章帝復莽此號蓋光武中

興凡莽所改即不行用至章帝改湖陵為湖陸改橐為高

平偶與莽同以莽不足道故直曰章帝更名耳光武永平

二年以橐湖陵益東平國見光武十王列傳注云橐縣一

名高平其正文及注兩橐字皆橐之訛是光武時仍前漢

之舊稱橐湖陵章帝已後則稱高平湖陸也今漢書地理志山陽郡湖陵下云禹貢浮于泗淮通于河水在南莽曰湖陸應劭曰尚書一名湖章帝封東平王倉子為湖陸侯更名湖陵此條舛誤者入泗淮當作淮泗一也通于河當作通于荷二也水在南當作荷水在南三也尚書二字當在禹貢二字上不當在應劭曰下四也應劭時稱湖陸已久所引應劭語宜為地理風俗記湖陸縣之文一名湖當是一一名湖陵校漢書者妄刪陵字以起下文有陵字為更名耳五也倉當作蒼六也為湖陵侯當作為湖陸侯七也更名湖陵當作更名湖陸八也道元此注亦有尚書二字

蓋校是書者據漢志記本增入說文荷字下云荷澤水在山陽湖陵引禹貢浮于淮泗達于荷而水經濟水內敘荷水云又東南過湖陸縣南東入于泗水道元注亦引尚書浮于淮泗達于荷今尚書本皆訛作達于河以尚書及前後漢書水經注互有舛誤彼此紛糾泗水又東逕郟鑿所僅就一處訂正終難了徹故備論之

築城北又東逕湖陵城東南昔桓温之北入也范曄捨慕容忠于此城東有度尙碑泗水又左會南梁水地理志曰水出蕃縣今縣之東北平澤出泉若輪焉發源成川西南流分爲二水北水枝出西逕蕃縣北西逕滕城北春秋左傳隱公十一年滕侯薛侯來朝爭長薛侯曰我先封滕侯曰我周之卜正也薛庶姓也我不可以後之公使羽父請薛侯曰君辱在寡人周諺有之曰山有木工則度之賓有禮主則擇之周之宗盟異姓爲後寡人若朝于薛不敢與

水經注匯校 卷二十五

九

諸任齒君若辱貶寡人則願以滕君爲請薛侯許之乃長滕侯者也漢高祖封夏侯嬰爲侯國號曰滕公全云夏侯嬰嘗爲滕令故稱滕公非封于滕也嬰封汝陰善長誤矣鄧晨曰今沛郡公丘也其水又漑于丘焉縣故城在滕西北城周二十里內有子城按地理志卽滕也周懿王子錯叔繡文公所封也齊滅之秦以爲縣漢武帝元朔三年封魯恭王子劉順爲侯國世以此水漑我良田遂及百秣故有兩溝之名焉南梁水自枝渠西南逕魯國蕃縣故城東俗以南鄰于漑亦謂之西漑水南梁水又屈逕城南應劭曰縣古小邾邑也地理志曰其水西流注于濟渠濟在湖陸西而左注泗泗濟合流故地記或言濟入泗泗亦言入濟互受通稱故有入濟之文闕駟

十三州志曰西至湖陸入泗是也經無南梁之名而有涓涓之稱疑卽是水也戴延之西征記亦言湖陸縣之東南有涓涓水亦無記于南梁謂是吳王所道之瀆也余按湖陸西南止有是水延之蓋以國語云吳王夫差起師將北會黃池掘溝于商魯之間北屬之沂西屬于濟以是言之故謂是水爲吳王所掘非也余以水路求之止有泗川耳蓋北達沂西北逕于商魯而接于濟矣吳所浚廣耳非謂起自東北受沂西南注濟也假之有通非吳非越年載誠眇人情則近以今村古益知延之之不通情理矣泗水又南瀆水注之又逕薛之上邳城西而南注者也

又東過沛縣東

水經注匯校

卷二十五

十

昔許由隱于沛澤卽是縣也縣蓋取澤爲名宋滅屬楚在泗水之濱于秦爲泗水郡治黃水注之黃水出小黃縣黃鄉黃溝國語曰吳子會諸侯于黃池者也黃水東流逕外黃縣故城南張晏曰魏郡有內黃縣故加外也薛瓚曰縣有黃溝故縣氏焉圈稱陳留風俗傳曰縣南有渠水于春秋爲宋之曲棘里故宋之別都矣春秋昭公二十五年宋元公卒于曲棘是也宋華元居于穰里宣公十五年楚鄭圍宋晉解揚違楚致命于此宋人懼使華元乘闔夜入楚師登子反之牀全云乘闔是穀梁傳文登牀是左氏傳文善長合而成書曰寡君使元以病告弊邑易子而食析骸以爨城下之盟所不能也子反退一舍宋楚乃平今城東闔上猶有華元祠祠之不輟

城北有華元冢黃溝自城南東逕蔡丘下春秋僖公九年齊桓公會諸侯于葵丘宰孔曰齊侯不務德而勤遠略北伐山戎南伐楚西爲此會東略之不知西則否矣其在亂乎君務靖亂無勤于行晉侯乃還卽此地也黃溝又東注大澤蒹葭萑葦生焉卽世所謂大薺陂也陂水東北流逕定陶縣南又東逕山陽郡成武縣之楚丘亭北黃溝又東逕成武縣故城南王莽更之曰成安也黃溝又東北逕郟城北春秋桓公二年經書取郟大鼎于宋戊申納于太廟左傳曰宋督攻孔父而取其妻殺殤公而立公子馮以郟大鼎賂公臧哀伯諫爲非禮十三州志曰今成武縣東南有郟城俗謂之北郟者也黃溝又東逕平樂縣故城南又

水經注匯校

卷二十五

十一

東右合泡水卽豐水之上源也水上承大薺陂東逕貫城北又東逕已氏縣故城北王莽之已善也縣有伊尹冢崔駰曰殷帝沃丁之時伊尹卒葬于薄皇覽曰伊尹冢在濟陰已氏平利鄉皇甫謐曰伊尹年百餘歲而卒大霧三日沃丁葬以天子之禮親自臨喪以報大德焉又東逕孟諸澤杜預曰澤在梁國睢陽縣東北又東逕郟成縣故城南地理志山陽縣也王莽更名之曰告成矣故世有南部北郟之論也又東逕單父縣故城南昔宓子賤之治也孔子使巫馬期觀政入其境見夜漁者問曰子得魚輒放何也曰小者吾大夫欲長育之故也子聞之曰誠彼形此子賤得之善矣惜哉不齊所治者小也王莽更名斯縣爲利父

矣世祖建武十三年封劉茂為侯國又東逕平樂縣右合
泡水水上承睢水于下邑縣界東北注一水上承睢水于
杼秋縣界北流世又謂之瓠盧溝水積為渚渚水東北流
二渠雙引左合澧水俗謂之二泡也自下澧泡並得通稱
矣故地理志曰平樂侯國也泡水所出何云泡水漢書作包又逕豐
西澤謂之豐水漢書稱高祖送徒麗山徒多亡到豐西澤
有大蛇當徑拔劍斬之此即漢高祖斬蛇處也又東逕大
堰水分為二又東逕豐縣故城南王莽之吾豐也水側城
東北流右合枝水上承豐西大堰派流東北逕豐城北東
注澧水澧水又東合黃水時人謂之狂水蓋狂黃聲相近
俗傳失實也自下黃水又兼通稱矣水上舊有梁謂之泡

水經注匯校

卷二十五

三

橋王智深宋史云宋太尉劉義恭于彭城遣軍主稽立敬
北至城覘候魏軍魏軍于清西望見立敬士眾魏南康侯
杜道儁引趣泡橋沛縣民逆燒泡橋又于林中打鼓儁謂
宋軍大至爭渡泡水趙云泡水泡橋通鑑俱作苞蓋文異耳水深酷寒凍溺
死者殆半清水即泡水之別名也全云濟水入汶謂之清水睢水入泗亦謂之清
水六朝所爭皆泗上之清水非濟水也其地有曰清西則元嘉二十七年魏將拓拔建自清西屯蕭城曰清東則魏將步尼公自清東屯留城曰清南則天監五年梁將藍懷恭築城清南曰清中則永明三年齊角城戍主張蒲入清中是也宋沈攸之魏尉元齊周山圖所爭皆在其地以其為泗水合睢水入淮之地故亦謂之睢清口秦始三年宋將陳顯達引兵入睢清口是也沈約宋書稱魏軍欲渡清西非也泡水又東逕沛縣故城南秦末兵起蕭何曹參迎漢祖于此城高帝十一年封合陽侯劉仲子為侯國城內有漢高祖廟廟

前有三碑。後漢立廟基以青石爲之階陛。尙存劉備之爲徐州也。治此袁術遣紀靈攻備。備求救呂布。布救之。屯小沛。招靈請備共飲。布謂靈曰：「立德布弟也。布性不喜合鬪。但喜解鬪。乃植戟于門。布彎弓曰：『觀布射戟。小枝中者當各解兵。不中可留決鬪。』一發中之。遂解。此卽布射戟枝處也。述征記曰：『城極大。四周塹。通豐水。豐水于城南東注。泗卽泡水也。』地理志曰：『泡水自平樂縣東北至沛入泗者也。』泗水南逕小沛縣東。縣治故城南。垞上東岸有泗水亭。漢祖爲泗水亭長。卽此亭也。故亭今有高祖廟。廟前有碑。延熹十年立。廟闕崩。禡略無全者。水中有故石梁處。遺石尙存。高祖之破黥布也。過之置酒沛宮。酒酣歌舞。慷慨傷懷。

水經注匯校

卷二十五

三

曰遊子思故鄉也。泗水又東南流逕廣戚縣故城南。漢武帝元朔元年封劉擇爲侯。國王莽更之曰力聚也。泗水又逕留縣而南。逕垞城。東城西南有崇侯虎廟。道淪遺愛。不知何因而遠有此圖。泗水又南逕宋大夫桓魋冢。西山枕泗水西。上盡石鑿而爲冢。今人謂之石郭者也。郭有二重石。作工巧。夫子以爲不如死之速朽也。

又東過彭城縣東北

泗水西有龍華寺。是沙門釋法顯遠出西域浮海東還持龍華圖首創此制。法流中夏。自法顯始也。其所持天竺二石仍在南陸東基堪中。其石尙光潔可愛。泗水又南獲水入焉。案獲原本及近刻並訛作淮。今改正。獲水入泗見卷二十三。汲水內。閱案趙本仍作淮水而注云疑是。

睢水之誤淮水未嘗逕彭城境殆杜元凱所謂睢水而南首受汴渠東經陳留梁譙沛彭城入泗者也今存參而南逕彭城縣故城東周顯王四十二年九鼎淪沒泗淵秦始皇時而鼎見于斯水始皇自以德合三代大喜使數千人沒水求之不得所謂鼎伏也亦云系而行之未出龍齒齧斷其系故語曰稱樂大早絕鼎系當是孟浪之傳耳泗水又逕龔勝墓南墓碣尚存又經亞父冢東皇覽曰亞父冢在廬江縣郭東居巢亭中有亞父井吏民親事皆祭亞父于居巢廳上後更造祠于郭東至今祠之按漢書項羽傳歷陽人范增未至彭城而發疽死不言之居巢今彭城南有項羽涼馬臺臺之西南山麓上卽其冢也增不慕范蠡之舉而自絕于斯可謂褊矣推考書事墓近于此也

水經注匯校

卷二十五

西

又東南過呂縣南

呂宋邑也春秋襄公元年晉師伐鄭及陳楚子辛救鄭侵宋呂留是也縣對泗水漢景帝三年有白頸烏與黑烏羣鬪于縣白頸烏不勝墮泗水中死者數千京房易傳曰逆親親厥妖白黑烏鬪時有吳楚之反泗水之上有石梁焉故曰呂梁也昔宋景公以弓工之弓彎弧東射矢集彭城之東飲羽于石渠卽斯梁也懸濤澎湃寔爲泗險孔子所謂魚鼈不能游又云懸水三十仞流沫九十里今則不能也蓋惟嶽之喻未便極天明矣趙云呂梁洪之險道元時已不如古矣至明嘉靖中管河主事陳洪範惡其石破害運船鑿之使平而禹跡蕩然無存矣晉太康地記曰水出磬石書所謂泗濱浮磬者也泗水又東南流丁溪水注之溪

水上承泗水于呂縣東南流北帶廣隰山高而注于泗川
泗水冬春淺澀常排沙通道是以行者多從此溪卽陸機
行思賦所云乘丁水之捷岸排泗川之積沙者也晉太元
九年左將軍謝玄于呂梁遣督護聞人奭用工九萬擁水
立七挖以利運漕者

又東南過下邳縣西

泗水歷縣逕葛嶧山東卽奚仲所遷邳嶧者也泗水又東
南逕下邳縣故城西東南流沂水流注焉故東海屬縣也
應劭曰奚仲自薛徙居之故曰下邳也漢徙齊王韓信爲
楚王都之後乃縣焉王莽之閏儉矣東陽郡治文穎曰秦
嘉東陽郡人今下邳是也晉灼曰東陽縣本屬臨淮郡明

水經注匯校

卷二十五

五

帝分屬下邳後分屬廣陵故張晏曰東陽郡今廣陵郡也
漢明帝置下邳郡矣城有三重其大城中有大司馬石苞
鎮東將軍胡質司徒王渾監軍石崇四碑南門謂之白門
魏武捨陳宮于此處矣趙云危林曰白門所捨者乃奉先
非公臺也唐太子賢注范氏書引
此注蓋未知
善長之誤也中城呂布所守也小城晉中興北中郎將荀
羨郗曇所治也昔泰山吳伯武少孤與弟文章相失二十
餘年遇于縣市文章欲歐伯武心神悲慟因相尋問乃兄
弟也縣爲沂泗之會也又有武原水注之水出彭城武原

縣西北會注陂南逕其城西王莽之和樂亭也縣東有徐
廟山山因徐徙卽以名之也山上有石室徐廟也武原水
又南合武水謂之泲水南逕剛亭城又南至下邳入泗謂

之武原水口也又有桐水出西北東海容丘縣東南至下

邳入泗泗水東南逕下相縣故城東王莽之從德也城之

西北有漢太尉陳球墓墓前三碑是弟子管寧華歆等

所造趙云金石錄目錄載陳球碑又一後碑又一碑陰所見皆故吏而無管華姓名洪氏隸釋謂水經注墓前

有三碑今止二其一似指碑陰一碑也一清案洪說非也

鄭注明云墓前三碑弟子管華等造今隸釋所載二碑無管華姓名則弟子所立一碑已亡故金

石錄猶有二碑而乃以碑陰充數何耶初平四年曹操

攻徐州破之拔取慮睢陵夏丘等縣以其父避難被害于

此屠其男女十萬泗水為之不流自是數縣人無行跡亦

為暴矣泗水又東南得睢水口泗水又逕宿預城之西又

逕其城南故下邳之宿留縣也王莽更名之曰康義矣趙全謝山謂漢志無下邳郡安得有宿留縣又何以為莽更名康義乎此鄭氏之妄也今按宿預故城在今邳州宿遷

水經注匯校

卷二十五

縣東南漢臨淮郡公猶縣之境也東漢省晉義熙中置宿預縣班志公猶縣下云莽曰秉義康秉字形相似道元引之蓋實宿預之即公猶也而不著公猶之名

是其疏略之過如以為造作無端則太甚矣晉元皇之為

安東也督運軍儲而為邸閣也魏太和中南徐州治後省

為成梁將張惠紹北入水軍所次憑固斯城更增脩廓壑

其四面引水環之今城在泗水之中也

又東南入于淮

泗水又東逕陵柵南西征記曰舊陵縣之治也泗水又東

南逕淮陽城北城臨泗水昔菑丘訢飲馬斬蛟眇目于此

處也朱箋菑丘訢事見韓詩外傳泗水又東南逕魏陽城北城枕泗川

陸機行思賦曰行魏陽之枉渚故無魏陽疑即泗陽縣故城也王莽之所謂淮平亭矣蓋魏文帝幸廣陵所由或因

變之未詳也。泗水又東逕角城北而東南流注于淮。考諸地說或言泗水于睢陵入淮亦云于下相入淮皆非實錄也。

沂水出泰山蓋縣艾山

鄭立云出沂山亦或云臨樂山水有二源南源所導世謂之柞泉北水所發俗謂之魚窮泉俱東南流合成一川右會洛預水水出洛預山東北流注之沂水東南流左合桑預水水北出桑預山東注于沂水沂水又東南螳蜋水入焉水出魯山東南流右注沂水沂水又東逕蓋縣故城南東會連綿之水水發連綿山南流逕蓋城東而南入沂沂水又東逕浮來之山春秋經書公及莒人盟于浮來者也

水經注匯校

卷二十五

七

卽公來山也在邳鄉西故號曰邳來之間也浮來之水注之其水左控三川右會甘水而注于沂沂水又南逕爆山西山有二峰相去一里雙巒齊秀圓峙若一沂水又東南逕東莞縣故城西與小沂水合孟康曰縣故鄆邑今鄆亭是也漢武帝元朔二年封城陽共王子吉為東莞侯魏文帝黃初中立為東莞郡東燕錄謂之團城劉武帝北伐廣固登之以望五龍閱案五龍官本作王難今依趙木改官本云二字有舛誤朱謀埠云當作五龍廣固有五龍口見二十六卷戴本仍作王難魏南青州治左氏傳曰莒魯爭鄆為日久矣今城北鄆亭是也全云十三州志有東西二鄆魯桓公所居為西鄆在兗州東平郡莒魯所爭為東鄆此邑是也亦卽汶陽之田所謂鄆謹龜陰之田者也京相璠曰琅邪姑幕縣南四十里員亭故魯鄆邑世變其字非也郡國志

東莞有鄆亭今在圍城東北四十里猶謂之故東莞城矣
小沂水出黃孤山西南流逕其城北西南注于沂沂水又
南與閭山水合水出閭山東南流右佩二水總歸于沂沂
水南逕東安縣故城東而南合時密水水出時密山春秋
時莒地左傳莒人歸共仲于魯及密而死是也時密水東
流逕東安城南漢封魯孝王子強爲東安侯時密水又東
南流入沂沂水又南桑泉水北出五女山東南流巨圍水
注之水出巨圍之山東南注于桑泉水桑泉水又東南堂
阜水入焉其水導源堂阜春秋莊公九年管仲請囚鮑叔
受之及堂阜而稅之杜預曰東莞蒙陰縣西北有夷吾亭
者是也堂阜水又東南注桑泉水桑泉水又東南逕蒙陰

水經注匯校

卷二十五

六

縣故城北王莽之蒙恩也又東南與雙圍水合水有二源

雙會東導一川俗謂之汶水也

趙云此又一汶非入沛及入濰之水于欽以爲齊有

三汶是也東逕蒙陰縣注桑泉水又東南盧川水注之水出鹿

嶺山東南流左則二川臻湊右則諸葛泉源斯奔亂流逕

城陽之盧縣故蓋縣之盧上里也漢武帝元朔二年封城

陽共王子劉豨爲侯國王莽更名之曰著善矣又東南注

于桑泉水桑泉水又東南右合蒙陰水水出蒙山之陰東

北流昔琅邪承宮避亂此山立性好仁不與物競人有認

其黍者捨之而去其水東北流入于沂沂水又南逕陽都

縣故城東縣故陽國也齊同盟齊利其地而遷之者也漢

高帝六年封將軍丁復爲侯國沂水又南與蒙山水合水

出蒙山之陰東流逕陽都縣南東注沂水沂水又左合溫水水上承溫泉陂而西南入于沂水者也

南過琅邪臨沂縣東又南過開陽縣東

沂水南逕中丘城西春秋隱公七年夏城中丘左傳曰書不時也沂水又南逕臨沂縣故城東郡國志曰琅邪有臨沂縣故屬東海郡有治水注之水出泰山南武陽縣之冠石山地理志曰冠石山治水所出應劭地理風俗記曰武水出焉蓋水異名也東流逕蒙山下有祠治水又東南逕顓臾城北郡國志曰縣有顓臾城季氏將伐之孔子曰昔者先王以為東蒙主社稷之臣何以伐之為冉有曰今夫顓臾固而便

何云便字是郡國志之文否未詳

近于費者也治水又東南

水經注匯校

卷二十五

九

流逕費縣故城南地理志東海之屬縣也為魯季孫之邑子路將墮之公山弗擾師襲魯弗克後季氏為陽虎所執弗擾以費畔即是邑也漢高帝六年封陳賀為侯國王莽更名之曰順從也許慎說文云沂水出東海費縣東西入泗從水斤聲呂忱字林亦言是矣斯水東南所注者沂水在西不得言東南趣也皆為謬矣故世俗謂此水為小沂水治水又東南逕祊城南春秋隱公八年鄭伯請釋泰山之祀而祀周公使宛歸泰山之祊而易許田杜預釋地曰祊鄭祀泰山之邑也在琅邪費縣東南治水又東南流注于沂沂水又南逕開陽縣故城東縣故郟國也春秋左傳昭公十八年邾人襲郟盡俘以歸郟子曰余無歸矣從孛

于邾是也後更名開陽矣春秋哀公三年經書季孫斯叔孫州仇帥師城啟陽者是矣縣故琅邪郡治也

又東過襄賁縣東屈從縣南西流又屈南過郟縣西

魯連子稱陸子謂齊湣王曰魯費之衆臣甲舍于襄賁者

也王莽更名章信閱案信下官本有也字依戴本郟故國也少昊之後春

秋昭公十七年郟子朝魯公與之宴昭子叔孫婁問曰少

昊鳥名官何也郟子曰吾祖也我知之矣黃帝炎帝以雲

火紀官太皞以龍紀少皞瑞鳳鳥統歷鳥官之司議政斯

在孔子從而學焉既而告人曰天子失官學在四夷者也

竹書紀年晉烈公四年越子末句滅郟以郟子鵠歸縣故

舊魯也東海郡治秦始皇以為郟郡漢高帝二年更從今

水經注匯校 卷二十五

名即王莽之沂平者也

又南過良城縣西又南過下邳縣西南入于泗

春秋左傳曰昭公十三年秋晉侯會吳子于良吳子辭水

道不可以行晉乃還是也地理志曰良城王莽更名承翰

矣沂水于下邳縣北西流分爲二水一水于城北西南入

泗一水逕城東屈從縣南亦注泗謂之小沂水水上有橋

徐泗間以為圯昔張子房遇黃石公于圯上即此處也建

安二年曹操圍呂布于此引沂泗灌城而擒之

洙水出泰山蓋縣臨樂山

地理志曰臨樂山洙水所出西北至蓋入泗水或作池字

蓋字誤也趙云或作八洙水自山西北逕蓋縣漢景帝中

五年封后兄王信爲侯國又西逕泰山東平陽縣春秋宣公八年冬城平陽杜預曰今泰山平陽縣是也河東有平陽故此加東矣晉武帝元康九年改爲新泰縣也

西南至卞縣入于泗

洙水西南流盜泉水注之泉出卞城東北下山之陰尸子曰孔子至于暮矣而不宿于盜泉渴矣而不飲惡其名也故論語比考讖曰水名盜泉仲尼不漱卽斯泉矣西北流注于洙水洙水又西南流于卞城西而與泗水亂流閱案而與官本作西南入今依戴趙本西南至魯縣東北又分爲二水水側有故城兩水之分會也洙水西北流逕孔里北是謂洙泗之間矣春秋之浚洙非謂始導矣蓋深廣之耳洙水又西南枝

水經注匯校 卷二十五

津出焉又南逕瑕丘城東而南入石門古結石爲水門跨于水上也西南流世謂之杜武溝洙水又西南逕南平陽縣之顯閭亭西邾邑也春秋襄公二十一年經書邾庶其以漆閭丘來奔者也杜預曰平陽北有顯閭亭十三州記曰山陽南平陽縣又有閭丘鄉從征記曰杜謂顯閭閭丘也今按漆鄉在縣東北漆鄉東北十里見有閭丘鄉顯閭非也然則顯閭自是別亭未知孰是又南洙水注之呂忱曰洙水出東平陽上承汶水于剛縣西闡亭東爾雅曰汶別爲闡其猶洛之有波矣洙水西南流逕盛鄉城西京相璠曰剛縣西南有盛鄉城者也又南逕泰山寧陽縣故城西漢武帝元朔三年封魯共王子劉恬爲侯國王莽改之

曰寧順也又南洙水枝津注之水首受洙西南流逕瑕丘城北又西逕寧陽城南又西南入于洸水洸水又西南逕泰山郡乘丘縣故城東趙肅侯二十年韓將舉與齊魏戰于乘丘卽此縣也漢武帝元朔五年封中山靖王子劉將夜爲侯國也洸水又東南流注于洙洙水又南至高平縣南入于泗水西有茅鄉城東去高平三十里京相璠曰今高平縣西三十里有故茅鄉城者也

水經注匯校卷之二十五終

水經注匯校

卷二十五

三